



**Sámi allaskuvla**

Sámi University of Applied Sciences

OAHPPOPLÁNA

**DUDDJOMA JA HÁBMEMA  
BARGOVUOGIT**

10 oahppočuoggá

## 1. OAHPPOOVTTADAGA NAMMA

Sámegillii:	Duddjoma ja hábmema bargovuogit
Dárogillii:	Metoder i duodji og form
Engelasgillii:	Methods of Duodji and Design

## 2. OPPALAŠ DIEĐUT OAHPU BIRRA

<b>Oahppokoda:</b>	DUO-1001
<b>Dássi:</b>	Bachelor, vuodđooahppu
<b>Viidodat:</b>	10 oahppočuoggá
<b>Galli lohkanbaji badjel:</b>	1
<b>Oahpu lágideapmi:</b>	Neahttadoarjjaoahpahas: Oahpus leat sihke fysalaš deaivvadeamit Sámi allaskuvllas ja neahttaoahpahas. Logaldallamiidda lea vejolaš oassálastit neahta bokte, muhto hárjehusat ja bargobájit gáibidit fysalaš searvama.
<b>Fágalaš latnjalasvuohta:</b>	Oahppu vástida DUO 101 Duddjoma ja hábmema bargovuogit (10 oč) oahpu.

## 3. OAHPPOPROGRÁMMA GULLEVAŠVUOHTA

Oahppu lea geatnegahtton vuodđooahppu duoji ja hábmema bachelorprográmmas. Dat sáhtta leat maidái doarjjafágan dahje válljenfágan eará bachelorprográmmain dahje eará oahpuin.

## 4. SISABEASSANGÁIBÁDUSAT

- Dábalaš sisabeassangáibádusat alitoahpahussii. Sisabeassanvuodđu sáhtta leat juogo oppalaš lohkanlabbolašvuohta (čadahan joatkkaskuvlla/logahaga/gymnása) dahje reálagelbbolašvuohta. Oppalaš lohkanlabbolašvuođa gáibádusat olgoriikkaohcciide bohtet ovdan NOKUTa GSU-listtus. Go oahppu lágiduvvo sámegillii, de olgoriikkaohcciide ii gusto dárogielagáibádus, vrd. Forskrift om opptak til høgare utdanning § 2-2 (6).
- Sámeielmáhttu.
- Duodje-, dáidda- dahje hábmengelbbolašvuohta

Sámegiela gáibádusa sáhtta deavdit čuovvovaš vugiid mielde: Norgga joatkkaskuvllas sámegiella 1. dahje 2. giellan 2, Suoma logahagas eatnigielladutkkus dahje lohkan sámegiela vierrogiellan ja Ruota gymnásas eatnigiellan (modersmål 200 čuoggá) dahje odđáiigásaš giellan (moderna språk 200-300 čuoggá) dahje vástideaddji sámegieloahppu doaibmi njuolggadusaid mielde. Sámeigiela gáibádusa sáhtta maid deavdit sámegiela lohkanbadjeoahpuin, 30 oahppočuoggá, dahje vástideaddji oahpuin dahje ceavzit giellageahččaleami maid Sámi allaskuvla lágida.

Duodje-, dáidda- dahje hábmengelbbolašvuoda gáibádusa sáhtá duodaštit čuovvovaš vugiid mielde: Norgga joatkkaskuvllas čađahan duodje-, dáidda- dahje hábmenoahpu, Suomas duodje-, dáidda- dahje hábmensuorggi artesánaohpu, Ruota gymnásas čađahan estehtalaš- dahje sámeoprográmma. Duodje-, dáidda- dahje hábmengelbbolašvuoda sáhtá maiddá deavdit jus lea maŋnel joatkkaskuvlla čađahan unnimusat jagi duodje-, dáidda- dahje hábmensuorggi oahpu ámmáskuvllas dahje fágaskuvllas, dahje universitehta- ja allaskuvladásis čađahan unnimusat 15 oahppočuoggá duodje-, dáidda- dahje hábmensuorggi oahpu.

Jus ohccis ii leat formála gelbbolašvuolta fágasuorggis, de sáhtá ohcci maiddá duodaštit duodje-, dáidda- dahje hábmenfágalaš gelbbolašvuoda iežas bargguid bokte. Dasto galgá juogo sáddet sisa ja oažžut dohkkehuvvot:

- Govaid unnimusat viđa duojis, dahje
- 2-3 duodje-, hábmen dahje dáiddalaš proševttain, mat čujuhit kreatiivlaš proseassaide, ovdamearkka dihtii portfolio

Dárbbu mielde ovddiduvvo gelbbolašvuoda meroštallan fágalaš árvvoštallamii ja meannuduvvo dán vuodul. Sáhtá nai čađahuvvot ságastallan duodjegelbbolašvuoda árvvoštallama doarjjan.

## **5. OAHPAHUSGIELLA**

Váldo oahpahusgiella lea davvisámegiella. Jus oassi logaldallamiin lea eará sámegielaide, dáro- dahje ruotagillii, de dat dulkojuvvo dárbbu mielde. Jus logaldallamat leat eaŋgalasgillii, dat eai dulkojuvvo. Eará sámegielat studeanttaide geahččalit láhčit dili nu ahte sii sáhttet čállit bargguid ja oažžut oasi bagadallamis iežaset sámegillii.

## **6. SISDOALLU**

Duddjoma ja hábmema bargovuogit oahppu fállá duddjomis ja hábmemis praktihkalaš ja teorehtalaš vuodđodieđu. Praktihkalaš duddjon ja hábmenoassi deattuhuvvo. Oahpahusas vuodjut duddjoma ja hábmema vuodđovugiid, teknihkaid, reaidduid ja ávdnasiid geahččaleapmái. Oahpus oahppá ávdnasiid geavahit vuodđun plánemii, ja nuppe dáfus mo barggu pláne guovtte- ja golmmadimenšunála bargovugiiguin. Studeanta sáhtá iežas beroštumi mielde válljet dipma- dahje garraduoji suorggi.

Lagaš luonddu- ja kultuvrralaš biras leat vuolggasadjin duddjoma ja hábmema lahkoneamis. Oahpahusas lea sámiid ja eará eamiálbmogiid duodjeárbevierut vuodđun ja vuolggasadjin.

## **7. OAHPPANJOKSOSAT**

Maŋnel čađahuvvon oahpu lea studeanta olahan čuovvovaš oahppanjoksosiid:

### *Diehtu:*

#### Studeanta

- dovdá duddjoma ja hábmema váldoprinsihpaid
- dovdá digitálaprogrammaid
- dovdá iešguđet guovlluid sámiid ornamentihka sisdoalu ja hervenvugiid
- dovdá fága guovddáš terminologija

### *Máhttu:*

#### Studeanta

- lea hárvjanišgoahtán geavahit iešguđetlágan ávdnasiid, bargovugiid ja reaidduid
- lea hárvjanišgoahtán geavahit guovtti- ja golmmadimenšuvnnalaš hábmenvugiid
- máhtta hábmet guovtte- ja golmma dimenšunála vuogi mielde dihto duoji
- máhtta dokumenteret iežas ovdáneami
- máhtta hábmet árbevirolaš vuogi mielde dihto duoji
- máhtta ráhkadit portfolio

### *Oppalaš gelbbolašvuohta:*

#### Studeanta

- máhtta plánet, hábmet ja duddjot duoji gárvvisin
- máhtta bargat okto ja ovttas earáiguin sierra duddjon ja hábmen čuolmmaid čoavddedettiin
- sáhtta vuoduštit makkár váikkuhus lea ávnnas-, hámi- ja bargovugiid válljemis plánen- ja duddjonproseassas
- máhtta ohcat ja geavahit iešguđetlágan gálduid ja geavahit daid iežas ovdanbuktimiin

## **8. OAHPAHAN- JA OAHPPANVUOGIT**

Bargobájit, logaldallamat, lohkanmeari lohkan, hárvjehusat ja bagadallamat.

## **9. GÁIBÁDUSAT BEASSAT EKSÁMENII**

Ovdal beassá eksámenii, galgá studeanta:

- Oassálastit unnimusat 75 % lágiduvvon oahpahasas
- dahkat guokte duoji ja portfolio mas leat čuovvovaš barggut:
  1. Čilgehus vuosttaš duoji dieđuid háhkamis, plánemis ja bargoproseassas.
  2. Čilgehus nubbi duoji dieđuid háhkamis, plánemis ja bargoproseassas.

Fágaoahpaheaddji dohkkeha gáibádusaid beassat eksámenii.

## **10. EKSÁMEN**

Portfolioeksámen mas leat geatnegahtton barggut oassin. Dasa lassin galgá portfolioi čállit teorehtalaš reflekšuvdnačállosa iežas ovdáneamis oahppanjoksosiid ektui. Eksámen árvvoštallojuvvo oktan bargun.

Árvosánit addojit ECTS vuogádaga mielde A-F, mas A lea buoremus árvosátni, E lea vuolimus ceavzinárvosátni ja F mearkkaša ahte ii leat ceavzán. Muđui čujuhuvvo Sámi allaskuvlla loahpalaš árvvoštallan ja eksámen njuolggadusaide.

## **11. LEA GO PRIVATISTTAIN VEJOLAŠ VÁLDIT DÁN FÁGA/FÁTTÁ?**

Ii leat.

## **12. KVALITEHTASIIKKARASTIN**

Čujuhuvvo Sámi allaskuvlla kvalitehtasihkkarastinvuogádahkii, ja makkár vejolašvuodát/geatnegasvuodát studeanttain lea árvvoštallat Sámi allaskuvlla oahppofálaldagaid ja bálvalusaid kvalitehta.

Studeanttat devdet árvvoštallanskovi oahpu loahpadettiin. Oahppu árvvoštallojuvvo evaluerenčoahkkimis. Ásahusdásis oahppu árvvoštallojuvvo studeantaárvvoštallamiid, eksámenraporttaid, sensorraporttaid ja fágareportta vuodul.